



Inatsisartunut ilaasortaq Inatsisartut Bendt B. Kristiansen,
Maani

Pineqartooq: § 37.1 2017_89 inuusuttut hashilu pillugit

Inatsisartunut ilaasortaq Bendt B. Kristensen inuusuttut hashilu pillugit
apeqquteqaataanut qutsavigaara ataasiakkaarlugillu ataani akissavakka.

09-03-2017
Sags nr. 2017 - 3779
Akt nr. 4588741

Postboks 1160
Tlf: 34 50 00
Fax: 34 55 05
3900 Nuuk

Email: pn@nanoq.gl
www.naalakkersuisut.gl

1. Takussutissaqarpa ikiaroonartumik hash-imik atuineq ukiuni kingullerni 5-10-nut qiviarluni annertusiartortoq?

Aap, inuusuttut arlallit hashimik atuisuupput. 2014-mi Kalaallit Nunaanni innuttaasut peqqissusaannik misissuinermeri erserpoq 2005-mi innuttaasut peqqissusaannik misissuinermerit naleqqiullugu angutit inuusuttut minnerpaamik qaammammut ataasiarlutik hashimik pujortartartut amerlassusaat 20%-miit 30%-mut qaffariaateqarsimasoq.

Atuartut 15-17-inik ukiullit akornanni atuartut 15-nik ukiullit hashimik pujortarlutik misiliisimasut amerlassusaat qaffariarsimavoq, kisiannili atuartut 16-inik aammalu 17-inik ukiullit akornanni annikitsumik appariaallassimapput taamaalilluni atuartut 25 %-iisa hashimik pujortarneq misilissimallugu taavalu 9%-ii qaammatip kingulliup iluani pujortarsimallutik.

2. Takussutissaqarpa ikiaroonartup hash nunatsinni tuniniarneqartartortoq ulorianassutsimigut sakkortusiartortoq?

2016-mi Retskemisk Institut Peqqissutsimut Naalakkersuisoqarfik sinnerlugu hashimik misissuineranit Kalaallit Nunaanni illoqarfinni pingasuneersup misissorneqarnerani takuneqarsimavoq hashi Kalaallit Nunaanni tuniniarneqartooq Danmarkimi tuniniarneqartutulli sakkortutigisoq.

Haship akua sunniuteqartartoq tassaavoq THC. Danmarkimi haship THC-mik akoqarnera 1992-miit 2011-mut pingasoriaammik sakkortusisimavoq aammalu hashi maannakkut tuniniarneqartartoq 28%-ip missaanik THC-imik akoqarpoq.

3. Takussutissaqarpa ikiaroonartumik hash-imik atuineq ukiuni kingullerni 5-10-nut qiviarluni annertusiartortoq?

Innuttaasut aallavigalugit atonerluisut qanoq amerlatiginersut teknikkikkut missingersussallugu periarfissaqanngilaq, tassami ikiaroonartooq sorleq atonerlunneqarnerasoq inuup nammineeerluni misissuinermeri oqaluttuaralugu paasissutissiisutigisussaammagu. Tamakkua aamma Kalaallit Nunaanni nalunaarsuiffeqartinnngilagut. Inuusuttut amerlaqisut misileraallutik atuisuusarmata aamma nalileruminaatsuvoq atonerluisuuneq ataavartuunersoq imaluunniit piffissami nalliuteqattaartumi atuinernerersoq.

Taamaattoq oqaluuserineqarsinnaavoq inuusuttut ilaat annertunerusumik atonerluisunngornissamat ulorianartorsiormata. Assersuutigalugu paasinarsisimavoq inuusuttut ulloq unnuarlu inissiisarfimmiittut ajornartorsiutimik allat saniatigut taamaaqatiminnut naleqqiullutik akuttunngitsumik hashimik atuisuusartut.

4. Inuusuttuaqqat / meeqqat ukioqqortuut (15 ataallugit ukiullit) hash-imik atuisuusut/pinngittuuisinnaangittut immikkut iliuuseqarfigineqarpat? Taamaangippat pilersaaruteqarfigineqarpat?

Naamik, ullumikkut nuna tamakkerlugu meeqqanut inuusuttunullu atornerluisuusunut neqerooruteqartoqanngilaq siornatigullu aamma taamaattoqarnikuunngilaq, taamaattorli neqeroorummik taamaattumik pilersitsiniarluni suliniartoqarpoq.

U-turn, Københavnip kommuniani inuusuttunut aanngajaarniutinik ajornartorsiornartumik atuisuusunik siunnersuineramik katsorsaanermillu suliaqartoq Allorfik, Atornerluisunik Siusissukkullu Iliuuseqartarnermut ilisimasani katersuiffik sinnerlugit nuna tamakkerlugu ataatsimullu isiginnittumik siunnersuinissamut katsorsaanissamullu periarfissanik allaaserinnileruttorpoq.

Neqeroorutip ataatsimut isiginnittuunissaa immikkut pingaaruteqarluinnartuuvoq tassami misissuinerit takutimmassuk inuusuttut akornanni aangajaarniutinik atuinartarnek allamik nuannersumik taarserneqarsinnaasariaqassammat soorlu assersuutigalugu ilinniagaqalerneramik, sunngiffimmi sammisassaqarnermik suliffeqalernermillu aanngajaarniutinik atuinertik unitsinnginnerani. Taamaattumik meeqqanut inuusuttunullu neqeroorut taamaattoq kommuninik qanimut suleqateqarluni pilersaarusiorneqartariaqarpoq.

Tamakkiisuunngitsumik neqerooruteqarnermi taamaallaat inuusuttup aammaarluni ajorsaqqinnissaanik aarlerinartoqartitsisussaavoq taamaattoqarpallu katsorsartikkusullutik saaffiginneqqinnissaat pinngitsoortinneqassalluni.

5. Ikiaroorartumik pinngittuuisinnaangittut avatangiisit qimallugit katsorsartittartut sanilliukkutigit avatangiisit qimannagit katsorsartittartunut, sorliit iluatsikkajunnerusarpat?

Katsorsartinnerup kingunerinik nakkutilliineq siornatigut katsorsaanermi ilaatinneqarnek ajorpoq, tassami kingornatigut katsorsaanermi kinaassutsimik isertuussisoqartarmat. Tamanna maannakkut allanngortinneqarsimavoq tassalu katsorsaanerup aallartinnerani, naammassineqarneranilu aammalu katsorsaanerup kingorna qaammatit pingasut, arfinillit aqqaneq marlullu qaangiunnerini malitseqartitsisoqartassalluni. Ukiulli arlallit aatsaat qaangiunnerini inuit eqimattanut assigiinngitsunut agguataarlugit kisitsisinik naatsorsueqqissaakkanik naleqqiussisoqarsinnaalerumaarpoq.

6. Inuusuttuaqqat / meeqqat ukioqqortuut aallaaviginerullugit ikiaroorartumik hash-imik atornerluinermi angerlarsimaffimmut ornigulluni kattorsaariaatsit qallunaat nunaanni misilittagaqarfiullualersimasut nunatsinni atussallugit orninginartinneqarpat?


Aap, pilersaarutaavoq meeqqanik inuusuttunillu katsorsaanerit sapinngisamik najugaqarfiinut qanittumi ingerlanneqartarnissaat.

7. Meeqqat atuarianni ikiaaroorartup hash-ip ulorianassusaa paasisitsiniutigineqartarpa? Taamaassimangippat taamak siunertaqartumik pilersaaruteqartoqarpa?

Pitsaaliuinermut atatillugu nunatsinni meeqqat atuariini imigassamut aalakoornartortalimmut, tupamut kiisalu hash pillugu politikkiliornissanut atugassanik ilitsersuusiortoqarnikuuvoq. Tamatuma saniatigut meeqqanut , inuusuttunut angajoqqaanullu hashi, imigassaq aalakoornartortalik, naamaartarnek tupalu pillugit paasissutissiissutinik atortussaliortoqarnikuuvoq.

Aammattaaq Paarisa inersimasut akisussaaffiat pillugu paasititsiniutitut atortussanik sanaartornikuuvoq. Oqariartuut tassaavoq inuiaqatigiinni inersimasut meeqqat inuusuttullu peqqissuunissaannut akisaassuseqarnerulertariaqartut. Taamatut paasitsiniaanerup oqariartuutaani tunngavigineqarput ilisimatusaatigalugu misissuinerit takutimmassuk suut inuusuttut aangajaarniutitik atornerluinerinut annikillisaataasarnersut. Paasititsiniaaneq tamanna ingerlateqqinneqassaaq Sapaatip akunnerani 18-mi aammalu Sapaatip akunnerani 22-mi. Atortussat tamarmik www.peqqik.gl-mi ajornaatsunnguamik kikkunnit tamanit takuneqarsinnaapput.

Inussiarnersumik inuulluaqqusillunga



Agathe Fontain

INUIT ATAQATIGIIT

Inatsisartuni



16. februar 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

Apeqqutit:

- 1. Takussutissaqarpa ikiaroonartumik hash-imik atuineq ukiuni kingullerni 5-10-nut qiviarluni annertusiartortoq?**
- 2. Takussutissaqarpa ikiaroonartup hash nunatsinni tuniniarneqartartortoq ulorianassutsimigut sakkortusiartortoq?**
- 3. Takussutissaqarpa ikiaroonartup hash nunatsinni tuniniarneqartartortoq ulorianassutsimigut sakkortusiartortoq?**
- 4. Inuusuttuaqqat / meeqqat ukioqqortuut (15 ataallugit ukiullit) hash-imik atuisuusut/pinngittuuisinnaangittut immikkut iliuuseqarfigineqarpat? Taamaangippat pilersaaruteqarfigineqarpat?**
- 5. Ikiaroonartumik pinngittuuisinnaangittut avatangiisitik qimallugit katsorsartittartut sanilliukkutigit avatangiisit qimannagit katsorsartittartunut, sorliit iluatsikkajunnerusarpat?**
- 6. Inuusuttuaqqat / meeqqat ukioqqortuut aallaaviginerullugit ikiaroonartumik hash-imik atornerluinermi angerlarsimaffimmut ornigulluni kattorsaariaatsit qallunaat nunaanni misilittagaqarfiullalersimasut nunatsinni atussallugit orninginartinneqarpat?**
- 7. Meeqqat atuarfianni ikiaaroonartup hash-ip ulorianassusaa paasisitsiniutigineqartarpa? Taamaassimangippat taamak siunertaqartumik pilersaaruteqartoqarpa?**

(Inatsisartuni ilaasortaq Bendt B. Kristiansen, Inuit Ataqatigiit)

Tunggavilersuut:

Ukiuni kingullerni ersarissingaluttuinnarpoq ikiaroonartumik hash-imik atuinermi inuusuttuaqqat meeqqallu 15-nit ataallugit ukiullit sulii ukiukillingaluttuinnarlutik ikiaroonartumik atuisuusartut, ilaatigullumi angajoqqaatik peqatigalugit atuisuusarsimasut.

Inuiaqatigiinni pisariaqartipparput ajornartorsiutip ersarinnerusumik eqqartorneqarlunilu paasisitsiniutigineqarnerunissaa, aamma meeqqat atuarfianni angajoqqaanut oqariartuuteqartumik.

Naatsorsuutigivara ullut qulit suliffiusut iluanni akineqarsimassallunga